

զի ոչ ունէր անձնական դրամ. դիտումն Պօղոսի էր առնել սմին նման ամենայն միաբանից, բայց նոքա յառաջագոյն մերկացեալ էին, բաց յոմանց: Մինչեւ ցայսօր ոմանք ստութեամբ յերկրեն թէ Պօղոս բացեալ իցէ զսենեակս միաբանաց և դատարկեալ զնոսա, և այս ասէն յաւէտ 'ի նպաստ ընչաքաղց ագահութեան և անխիղճ բռնաւորութեան իւրեանց. զի այրն հաւատարիմ երբէք չէ արարեալ զայդպիսի տարօրինակ գործս: Եւ զի կարի դժուարին երեւէր 'ի սմին ժամանակի ազատութիւն Աթոռոյն, զի յամենայն կողմանց հնչէին ձայն պատերազմաց, հարկապահանջութեանց, տառապանաց և նեղութեանց, և չլինէր յաջողութիւն զնալ ուխտաւորաց յերուսաղէմ: Պօղոս եպիսկոպոս մինչդէռ էր յեգիպտոս՝ կամեցաւ տանել ընդ իւր զկիրակոս եպիսկոպոս 'ի Ս. Աթոռն իբր օգնական ինքեան, այլ ժողովուրդ տեղւոյն ոչ թողին զայն, եւ նա մեկնեցաւ անտի իւրովքն հանդերձ ('ի 15 նոյեմբերի), և եհաւ յերուսաղէմ (1828. յ3 Դեկտեմբերի) և ետես զի պաշարեալ էր բոց նեղութեան եւ տառապանաց, եւ առտաղնապ սրտին և 'ի տաժանմանց երկար ճանապարհաց, անկաւ խօթ 'ի մահիճս. եկին առ նա Գլխաւորք քաղաքին և խնդրէին 'ի նմանէ ընծայս, կարծելով զնա Պատրիարք յերուսաղէմի, և իբրեւ ծանեան թէ չէ՝ դարձուցին զբանս իւրեանց, թէ երբեմն լեալ է Պատրիարք 'ի թաղաւորեալ քաղաքի. ապա ասէ՝ չունիմ ինչ տալ ձեզ, եթէ վասն իմ են բանք ձեր, երանեմ յերուսաղէմէ: Ապա առաքեաց զհրովարտակն ընդ Կարապետ եպիսկոպոսի 'ի Դամասկոս առ Կուսակալն՝ բերել անտի զիւր հրամանի: Եւ նորա սիրով ընկալեալ զնա եցոյց գութ եւ խնամ, եւ գրեաց առ Քաղաքապետն և առ դատաւորն յերուսաղէմի ըստ մտաց հրովարտակին (Պաշտօնէի), և խոստացաւ լինիլ ձեռնտու 'ի գործս Աթոռոյն, եթէ գտցին հաւատարիմ 'ի բանս իւրեանց, զի կարի ատելի էր նմա ստախօսութիւն, այսինքն, զի մի յետս դարձցի փոխանադիր նորին 'ի Կոստանդինուպօլսոյ, զի զհարկ տարւոյն այնորիկ սահմանեալ էին անդ վճարել, և սոքա թախանձանօք գրեցին առ Զաքարիա վարդապետ լինել արթուն և զգոյշ, եւ հայկազն Յովհաննէս. որ էր առ Բդեշխին 'ի Դամասկոս ձեռնտու